

docstiver 文川网  
古籍书城  
入驻商  
在文川网搜索古籍书城 获取更多电子书

中國方志叢書·華北地方·第三〇三號

據

清·查遷等纂  
清·雍正十年抄本

影印

陝西 省

# 宜君縣志



520/07

成文出版社有限公司印行



中華民國五十九年 月壹一版

# 宜君縣志

全一册

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三三七〇一三三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

宜君縣志序

廊延一路為陝西北門筦鑰其  
最南與京兆界者宜君也洛水  
流其隈玉華諸山含秀於內蓋  
當用武之國本力穡之訓而自  
遠於五陵豪侈之風者乎明季

docsriver 文川网  
入驻商家 古籍书城

在文川网搜索古籍书城 获取更多电子书

榆鎮宿駐重兵延民大困廊坊  
皆非唐宋之舊何歎於宜迨至

我

朝耆定三秦休養生息幾及百年  
而宜之土田生殖且有濟於同  
之韓澄宜之人物軒昂且欲駕

於耀之同白宜之備禦足以南  
護金鎖西塞石門宜雖叢爾亦  
可說興教致治培植者心苦而  
從風服訓嚮榮者氣盛矣獨是  
紀載散佚誌乘闕如不惟採風  
者無所據即守土者亦未由披

釋於是前署令三原丞查侯遴  
草創之繼署事令武功令宗人  
華嘗襄事省誌館復加脩飾之  
斐然成帙申請於通誌館以求  
駁正青乃句櫛字沫訖復於吾  
宗人曰凡為治者莫不言因地

制宜而地宜之何若究之或得  
其大概而未悉其纖微或傳其  
疑似而罔考其洞澈以此見之  
措施固不能省括命中即留心  
治務者欲每事鑒辨亦不勝其  
瘁此志之輯如縮宜於凡案間



以供一覽而上下古今盛衰興  
廢莫不備焉由此而張弛損益  
各協其地之宜若鑑呈形若燭  
照夜不勞而集有舉必當風氣  
駸駸騰躍而上俾觀之者進於  
古三輔之列而陋唐宋之廊坊

豈非斯志之作大有造於宜者  
哉


告


雍正十年歲次壬子桂月望後  
陝西督理糧儲鹽法道僉事加  
二級紀錄四次沈青崖書於貢


亭


四

院之精白堂









宜君縣志

浙右沈寓舟先生鑒定

邑宰查

沈

遊

氏纂輯

華純榮訂正

閩邑紳士

全放

沿革

漢為左馮翊祒緄縣地晉苻堅時置宜君護軍南北朝後  
魏改為宜君縣及置宜君郡隋開皇初郡廢為宜州唐貞  
觀十七年州縣俱廢二十年後置縣屬雍州永徽二年縣  
廢龍朔二年復置坊州天寶十二年析置昇平縣宋熙寧  
五年省昇平縣為鎮金屬廊路坊州元至正四年廢坊州  
以縣屬廊州明屬延安府廊州

宜君縣志

一



國朝因於之雍正四年鄜州改直隸縣屬焉

疆域

縣境南北袤九十里東西廣二百六十里東至洛川界九  
十里至洛川縣一百八十里西至慶陽府環縣界一百七  
十里至環縣六百一十里南至耀州同官界三十里至同  
官縣九十里北至中部界六十里至中部縣七十里東南  
至耀州白水界一百里至白水縣一百六十里西南至郿  
州三水界一百里至三水縣二百四十里東北至洛川界  
一百里西北至慶陽府正寧界一百一十里至正寧縣二  
百六十里北至鄜州二百一十里南至西安府省城二百

docsriver 文川网  
入驻商家 古籍书城

在文川网搜索古籍书城 获取更多电子书

三十里至

京師二千六百六十里

風俗

山居穴處氣質樸野習尚勤儉而重農婦女間有紡織者  
民貧地瘠輸納維艱延安古誌稱上疲

形勝

城據山巖地當孔要

城池

明景泰中王潯李仲和始築緣石濶難成及成化中縣丞  
楊安依龜山之勢築削為上下城週圍五里三分高二丈

五尺池深一丈上城門一南向失其名下城門二南向曰保障北向日全關矣

國朝康熙十七年間知縣賈有福增修後復頽圯止存門基  
牆址今請重建

### 鎮堡

五里鎮縣東六十五里鎮去右堡五里右堡舊設縣治故  
名東鄉講約所及社倉俱建設於此

右堡縣東七十里平原廣阜雉堞巍然明季苗匪設縣署  
雷原鎮東南九十里

店頭鎮縣西八十里鎮傍有七里坡故又名七里鎮西鄉

講約所設於此

馬欄鎮縣西一百二十里通慶陽界

烈泉鎮縣南三十里南鄉講約所設於此

偏橋鎮縣北三十里北鄉講約所及社倉俱建設於此

### 古蹟

玉華宮縣西三十五里鳳凰谷內谷地九頃唐初建宮正殿五間覆瓦餘皆葺茅當時以為清涼勝九成宮云後改為寺寺內有蕭何殿元奘法師於此院譯經每言此寺乃閻浮之兜率天也杜甫有詩

昇平廢縣縣西北三十五里唐天寶間析置宋熙寧初有

為鎮舊有礮場

昇仙臺在縣西三十里焦岩村背王老昇仙處士人云自

古此村不降雹

皇后里縣東九十里相傳古皇后故里

孟姜女泉在烈泉鎮相傳孟姜女携夫骨鯁於此渴甚仰

哭有泉湧出故又名哭泉今名烈泉

山川

玉華山縣西南四十里唐太宗建玉華宮以此名山太宗

避暑於此西有駝鑿崖東有石室其上懸泉勢若飛雨

名曰水簾洞其下即為墮隘泉泉水湧出順流而東至

三教彭村入杜村河谷中婆羅數林綠陰映波旁有透  
影碑人物過之形影畢照相傳為術士所壞宋熙寧間  
於此山獲一角獸時以為麟金於此置玉華鎮

太子山縣西南四十里世傳秦扶蘇築長城時所憇

龍尾山城西五里

太白山在縣西北八十里砂掌溝山上有太白廟廟前有  
湫在一小盆內歲澇則濕旱則反滿祈禱取水於此無

不靈驗

秦山縣南九十里山勢綿亘西安界相傳秦苻堅田獵於

此

山中

香山縣西北十里多香草得名

龜山即縣治上城

龍頭山城南十里

高春嶺縣西南七十里

清風崖在雷原鎮東北冬不積雪


三井嶺城東南五里

石龍岩縣西三十里

仙宮岩縣西北六十里

真人洞在縣西北里鎮洞兒溝石徑幽折崖岸奇古

芝蘭谷縣西十里多產草谷穀穀人





鳳凰谷縣西四十里常有五色雀翔於中因名

烽火原城南五里詩云烽火原中夜月明即此地也

烏欄川縣西一百二十里源出慶陽高流入耀州合漆水

慈烏水縣西四十里源自子干鎮東流入杜河村合沮水

雷原鎮河縣東七十里發源於娘娘廟山諸谷中東流入

洛

五交河縣東北五十里縣之李家河賀家河與中

河等三處共五水交合為河行二十里抵十二盤入於

洛

姚渠川縣西七十里源出衆山彙而成川流入同官神水



峽

雷聲溝縣東三十里源出縣之南山東歸於洛

漆水縣西北八十里源出慶陽界盧保嶺下經七里鎮流

至長祥村故又名長祥河合沮水相傳西屬宜君號漆

水東屬中部號沮水無攷

桃渠河縣西五十里發源達庄後山掌東北流至七里鎮

張家灣與漆水合

五里鎮河發源於西南瀾谷東北逆流經焦家庵入於洛

仙人溝縣西四十里源即出自玉華山後其水甚小一統

志言北入洛恐未能遠流也

暖泉在縣東七十五里文村冬溫夏涼噴湧如珠

突泉即孟姜女泉

瀑布泉縣西四十里即玉華鳳凰谷內懸泉也

南泉城四時而變也有三

穴人民俱於此汲飲焉

列

烽火中霧婆羅古樹

雷清風浪瀑布飛泉

公署

縣署初在下城西北明洪武間縣丞王文輔建弘治間

官昌縣志

六

知縣李相增修崇正高未歲 燬於戰

國朝順治十二年間知縣鄭名改建於上城龜山之顛康熙

十七年知縣賈有福增修正 三楹西有二堂三楹年

久傾圮正廳前東有廂房二楹 有廂房六楹為吏曹

所 儀門一座兩旁 門西角門前西為土地祠又前

為班房兩楹南角門前東為圍圍又東為廡廡後倉房

六間儀門外大門一座正廳後為官舍及小窄狹數楹

而已

典史宅向上城後 於下城西角隅

訓導宅在學宮南

營署舊無順治初建創參守二署俱在上城各署居縣署  
之西康熙十五年參將張光煥復修大之守署在東北  
隅千把皆無公署

### 學校

文廟在縣治東下成明洪武八年知縣金聲建背山臨街  
規模狹隘大成殿五楹東西兩廡各三楹天順間知縣  
范寧重修弘治明知縣李相增修

國朝順治初年知縣鄭名修葺康熙五年知縣周之簡重修  
四十四年知縣林鏞增修雍正七年署縣事三原縣縣  
丞查遠築後牆雍正九年知縣沈  
華捐置祭器五副

崇聖祠三楹在大成殿之北即啓聖祠改建雍正元年  
特旨追封

先師孔子五代俱贈王爵即於祠內安設牌位春秋致祭  
名宦祠在戟門之北

鄉賢祠在戟門之南

明倫堂三楹在文廟南齋廟尚缺堂後為訓導宅

社學在學西明知縣范寧建久廢今暫設塾於學旁俟議

重修

坊表

都憲坊在中街為都御史范輝立

docsriver 文川网  
入驻商家 古籍书城

在文川网搜索古籍书城 获取更多电子书

西台坊在中街為御史王與立

節義坊在學東雍正七年署縣事三原縣縣丞查濤奉文  
為歷朝節義婦氏立

仁明清正坊在南街為署縣事三原縣縣丞查濤立前在知縣

李良模王仕正俱  
有德政坊今無存

### 倉場

常平倉舊在明成化間知縣王澤移於縣其後傾圮至

國朝康熙四十四年間因積貯備賑糧石并支兵本色存剩  
餘糧無倉可貯知縣林鏡領帑銀於下城南門內建造  
倉廩共三十間迨後日漸傾圮雍正四年知縣毛汝說



又領帑銀改造南廩七間六年署縣事三原縣縣丞查  
遠奉文修建各郡縣倉廩又領帑銀改造東西兩廩一  
十五間外又捐俸建倉廳三間今新舊共有倉廩三十  
間倉廳三間

社倉雍正六年奉文令每州縣四鄉以村堡統計分社按  
社建倉設立倉正倉副以司出納官吏不擾聽民自便  
宜邑處萬山之中窰穴為多庄堡絕少而西南鄉尤甚  
是以止設社倉三座東鄉五里鎮一座計十間北鄉偏  
橋鎮一座計十間俱係署縣事三原縣縣丞查遠督造  
其西南鄉併設在城一座計十二間則沈華所承修也